

UGOVOR

o nabavci usluge održavanja rashladnih klima uređaja

Zaključen u Sarejevu između:

1. **Javna Ustanova Terapijska zajednica – Kampus Kanton Sarajevo, sa sjedištem u Rakovica – Iznad sela Kešelji bb, kojeg zastupa v.d direktor Kemal Mušimbegović / u daljem tekstu: **Naručilac** /**
I
2. **CENTRAL – PLIN O.D. iz Sarajeva, sa sjedištem Brezanska br.101, kojeg zastupa direktor Čamdžić Mirzudin / u daljem tekstu: **Izvršilac** /**

Član 1.

Predmet ovoga ugovora su usluge servisa i opravke rashladnih klima uređaja, a na osnovu ponude broj: 35/2018 od 07.03.2018. godine koja predstavlja sastavni dio ovoga ugovora.

Član 2.

Radovi koji su predmet ovog ugovora obuhvataju usluge: servisiranja, održavanja i popravke rashladnih klima uređaja u prostorijama **Javne Ustanove Terapijske zajednice – Kampus Kanton Sarajevo.**

Član 3.

Ugovorne strane su saglasne da Izvršilac vrijednost izvršenih usluga servisiranja i popravki obračunava po cijeni norma sata od **52,00 KM** (slovima: pedesetidvije KM), bez uračunatog PDV-a. Cijena originalnih rezervnih dijelova se računa po važećem cjenovniku na dan ugradnje.

Član 4.

Izvršilac se obavezuje da će:

- stručno i kvalitetno obavljati servisiranje i popravku rashladnih klima uređaja Naručioca ,
- na svom lageru obezbijediti neophodne rezervne dijelove za servisiranje i popravak rashladnih klima uređaja.

Član 5.

Izvršilac se obavezuje da će servisne intervencije koje ne zahtijevaju duže vremensko zadržavanje, izvršiti odmah, a ostale poslove u najkraćem roku.

Član 6.

Izvršilac se obavezuje da sve svoje usluge izvede po tehničkim propisima, standardima i normativima koje važe za ovu oblast za što daje garanciju, a eventualne reklamacije na kvalitet izvršenih radova otkloniti u najkraćem mogućem roku od 7 dana. Garancija na izvršene usluge i ugrađene dijelove je godinu dana.

Član 7.

Izvršilac će usluge vršiti na pismeni zahtjev uz obavezno izdavanje narudžbenice Naručioca u kojoj će se definisati vrsta radova, dinamika, rokovi realizacije i druga neophodna pitanja za potpuno definisanje predmeta rada.

Dodatni radovi (radovi koji se nisu mogli predvidjeti prilikom prve defektaže) mogu se izvršiti samo uz saglasnost Naručitelja.

Član 8.

Naručilac se obavezuje da će račune za izvršene radove, ugrađene dijelove i materijal plaćati u roku od 15 dana od prijema fakture, a u skladu sa dinamikom trezorskog poslovanja Kantona Sarajevo.

Izvršilac je saglasan da Naračiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje.

Član 9.

Svako neodgovorno ponašanje Izvršioca tokom ispunjenja obaveza iz ovog Ugovora koje prouzrokuje štetu Naračiocu, Izvršioc je dužan nadoknaditi u vrijednosti i roku koji zajednički utvrde ovlašteni predstavnici ugovornih strana.

Član 10.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze uz otkazni rok od 30 dana.

Član 11.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se nemogu riješiti mirnim putem, oštećena strana može ostvariti svoja prava pred nadležnim sudom u Sarajevu.


Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovorajuća odredba Zakona o obligacionim odnosima.

Član 12.

Ugovor stupa na snagu od dana obostranog potpisivanja, a zaključuje se na period od godinu dana..

Član 13.

Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.


IZVRSILAC
CENTRAL PLIN
Central-plin O.D
Direktor:

Čamdžić Mirzudin

Broj :

Datum: 16.03.2018.


NARUČILAC
Kantonska Terapijska zajednica
Kampus Kantona Sarajevo
V.d. Direktor:
Kemal Mušimbegović
Broj: 35-06-07-12/18-4
Datum: 16.03.2018. god.